

8. *Birabujijwe kwongera ku mpande z'ikinyabiziga kigendeshwa na moteri cyangwa velomoteri imitako cyangwa ibindi bifite imigongo cyangwa ibirenga k'umubyimba bitari ngombwa kandi bishobora gutera ibyago abandi bagendera mu nzira nyabagendwa.*
9. *Uretse igihe gikururwa n'ikindi kinyabiziga, nta kinyabiziga gifite moteri gishobora kugenda mu mihanda ahamanuka, igihe moteri itaka cyangwa igihe vitensi idakora.*

Ingingo ya 89:

Haseguriwe amategeko ateganywa n'ingingo ya 59,70-2 n'ya 72, nta kinyabiziga na kimwe gishobora kujyanwa cyangwa gukomeza kugendeshwa mu nzira nyabagendwa niba kidakurikije amategeko y'igice cya icy'iri teka.

Nyamara ibinyabiziga bijyanwe ku muhanda hatarashira igihe cy'imyaka 2 iri teka ritangiye gukurikizwa ntabwo birebwa n'ibivugwa ku ngingo ya 80-1,85-1,85-3,88-4 na 88-5.

Ingingo ya 90:

Ingingo ya 57, 61, 70,71-1 kimwe n'ingingo ya 76, igihe ivuga itara ryo guhagarara n'amatare yerekana icyerekezo ntizikurikizwa ku binyabiziga by'ingabo z'igihugu, iyo imyubahirizwe yazo ibangamiye imiterere cyangwa umurimo w'umwanya muto cyangwa **uzatinda** by'ikinyabiziga.

4. IGICE CYA KANE: IBIMENYETSO

4.1. UMUTWE I: Amategeko rusange

Ingingo ya 91:

1. Ibimenyetso bigenga uburyo bwo kugendera mu muhanda birimo ibyiciro bitatu:

- a) **Ibyapa**
- b) **Ibimenyetso bimurika**
- c) **Ibimenyetso byo mu muhanda.**

2. Ibitegekwa byerekanwa n'amatare n'ibimenyetso bimurika birusha ububasha amategeko agenga ibitambuka mbere, ibitegekwa byerekanwa n'ibyapa bigenga ibigomba guhita mbere kimwe n'ibimenyetso byo mu muhanda.

3. *Bitabangamiye ibikurikizwa mu ngingo ya 5, igika cya 6, abagendera mu nzira nyabagendwa bagomba kubahiriza ibitegekwa n'ibyapa, ibimenyetso bimurika n'ibimenyetso byo mu muhanda, n'yo bitegetswe aho bageze bisa n'aho binyuranye n'andi mategeko agenga ibigendera mu muhanda.*

4. *Ishyirwaho ry'ibimenyetso rigenwa na Minisitiri ushinze gutwara abantu n'ibintu ku mihanda y'Igihugu n'iy'Imigi, rikagengwa na nnyanama z'uturere ku byerekeye imihanda y'uturere.*

4.2. UMUTWE WA II: IBYAPA BYO KU MIHANDA

Ingingo ya 92:

1. **Ibyapa byo ku mihanda bigizwe:**

- A) N'ibyapa biburira, ibyo gutambuka mbere,
- B) Ibimenyetso bibuza cyangwa bitegeka,
- C) N'ibyapa ndanga.